

PROGRAM JAVNE RASPRAVE O NACRTU ZAKONA O PLAĆAMA I NAKNADAMA DRŽAVNIH SLUŽBENIKA, NAMJEŠTENIKA I DRUGIH LICA ZAPOSLENIH U ORGANIMA DRŽAVNE SLUŽBE TUZLANSKOG KANTONA

I

Ministarstvo pravosuđa i uprave Tuzlanskog kantona (u daljem tekstu; Ministarstvo) će provesti javnu raspravu o nacrtu Zakona o plaćama i naknadama državnih službenika, namještenika i drugih lica zaposlenih u organima državne službe Tuzlanskog kantona (u daljem tekstu: Nacrt Zakona).

II

Javna rasprava o Nacrtu Zakona (u daljem tekstu: javna rasprava) će trajati 30 dana.

III

Tekst Nacrta Zakona će biti postavljen na službenoj stranici Vlade Tuzlanskog kantona (<http://www.vladatk.kim.ba/>).

IV

Ministarstvo će, u roku od pet dana, od utvrđivanja Nacrta Zakona, dostaviti tekst Nacrta Zakona sljedećim pravnim subjektima:

- Skupštini Kantona,
- Vladi Kantona,
- Ministarstvima, drugim organima uprave i upravnim organizacijama Kantona,
- Uredima Vlade i Stručnoj službi Skupštine,
- Kantonalnom sudu i općinskim sudovima na području Tuzlanskog kantona,
- Kantonalnom tužilaštvu,
- Kantonalnom pravobranilaštvu,
- Samostalnom sindikatu državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine

V

Pravni subjekti iz tačke IV ovog Programa mogu svoje prijedloge, primjedbe i sugestije dostaviti Ministarstvu, najkasnije u roku od 30 dana od dana utvrđivanja Nacrta Zakona.

VI

Nakon sumiranja rezultata javne rasprave, Ministarstvo će pripremiti prijedlog Zakona o plaćama i naknadama državnih službenika, namještenika i drugih lica zaposlenih u organima državne službe Tuzlanskog kantona i uputiti ga Vladi i Skupštini Tuzlanskog kantona na dalje postupanje.

Ministarstvo pravosuđa i uprave Tuzlanskog kantona